



Pou Piblikasyon Imedya: 28/02/2023

GOUVÈNÈ KATHY HOCHUL

GOUVÈNÈ HOCHUL ANONSE RESOUS POU EDE NOUYÒKÈ YO EKONOMIZE SOU BÒDWO ENÈJI NAN KAY YO

*Dezyèm avantaj pou ijans ki disponib pou Nouyòkè ki elijib yo atravè Pwogram
Asistans pou Enèji nan Kay la*

*Depatman Deta pibliye yon nouvo Gid pou chofaj kay ak petwòl ak pwopàn pou
ede konsomatè yo k ap itilize petwòl pou chofaj ak gaz pwopàn diminye bòdwo
chofaj yo*

*Eta New York la ofri yon varyete asistans finansye ak pwogram rezidansyèl pou
ede redui depans enèji nan kay yo*

Gouvènè Kathy Hochul te anonse jodi a disponiblite resous pou ede Nouyòkè yo ekonomize sou bòdwo enèji nan kay pa yo. Yon dezyèm benefis ijans atravè Pwogram Asistans Enèji pou Kay la (Home Energy Assistance Program, HEAP) disponib kounye a pou Nouyòkè ki elijib yo ki riske manke konbistib chofaj oswa yo riske fèmen sèvis piblik yo. Anplis de sa, Depatman Deta (Department of State, DOS) ap pataje konsèy pratik pou ede konsomatè yo diminye bòdwo sèvis piblik yo epi li te pibliye yon nouvo Gid pou Chofaj Kay ak Petwòl ak Pwopàn, ki bay konsèy pou ede konsomatè ki sèvi ak petwòl pou chofaj ak gaz pwopàn diminye bòdwo chofaj yo epi ekonomize pandan y ap achte gaz.

"Nou nan pik sezon ivè sa a ki ka mennen nan bòdwo pou chalè ak enèji ki pi wo, epi administrasyon mwen an pral kontinye pran mezi pou rann sèvis piblik yo pi bon mache nan New York", **Gouvènè Hochul te deklare.** "Li enpòtan pou Nouyòkè yo pwofite asistans finansye ak pwogram rezidansyèl Eta a pou ede diminye depans enèji sa yo. Swiv konsèy sa yo ka ede ekonomize lajan epi pwoteje popilasyon vilherab nou yo pandan sezon frèdi a."

Pwogram Asistans pou Enèji nan Kay

HEAP, ki sou sipèvizon Biwo pou Asistans Tanporè ak Andikape (Office of Temporary and Disability Assistance, OTDA), se sistèm federal la ki finanse li epi li kapab ede Nouyòkè ki elijib yo chofe ak refwadi kay pa yo. Nòmalman, kay ki elijib yo ka resevwa yon benefis HEAP regilye chak ivè epi yo kapab tou kalifye pou yon sèl benefis HEAP ijans si yo fè fas ak yon kriz enèji. Sila yo ki deja resevwa yon benefis regilye ak ijans

pou ivè sa a pral kapab aplike pou yon benefis ijans adisyonèl, si yo fè fas ak yon sèvis publik ki fèmen oswa si yo manke mazout epi yo pa gen mwayen pou ranpli tank yo.

Kantite yon fanmi resevwa nan men HEAP depann de revni, tay fanmi an epi kijan yo chofe kay la. Yon fanmi ki gen kat moun ka touche jiska 5,485 dola chak mwa epi yo toujou ka kalifye pou yo resevwa èd. Yon fanmi an nesesite ki chofe ak petwòl epi kalifye pou yon benefis HEAP regilye ak de (2) benefis ijans te kapab resevwa prèske 3,000 dola nan asistans total nan ivè sa a. Y'ap aksepte aplikasyon pou benefis HEAP ijans nan deputman lokal sèvis sosyal yo an pèsòn oubyen nan telefòn. Ou ka jwenn yon lis biwo dapre konte yo [isit la](#).

Eta New York ofri tou anpil pwogram asistans pri pou aplikan ki kalifye yo, ansanm ak yon varyete pwogram rezidansyèl pou ede redwi depans enèji nan kay yo pou tout gwoup revni yo:

Pwogram Efikasite Enèji nan Kay la

NYSERDA ofri yon seri pwogram rezidansyèl ki fèt pou ede rezidan Eta Nouyòk yo idantifye zòn kote kay yo ap ogmante pri enèji epi yo ka bay asistans pou yo konplete amelyorasyon efikasite enèji pou yon kay ki pi an sante, ki pi konfòtab. Gen plis enfòmasyon ki disponib [isit la](#).

Odit sou Enèji Nan Kay la

Nouyòkè yo ka fè yon odit sou enèji nan kay yo oswa apatman yo pou aprann sou amelyorasyon efikasite yo rekòmande yo pou ekonomize lajan sou bòdwo enèji ou a. Yon odit ka bay enfòmasyon sou amelyorasyon pri ki ba ak gwo envestisman ak resous finansye ki disponib. Kontakte NYSERDA pou asistans [isit la](#).

Pwogram Asistans Meteworizasyon

Pwogram Asistans Meteworizasyon NYS la, ki se NYS Homes and Community Renewal ki administre li, se pi gwo pwogram konsèvasyon enèji rezidansyèl nan peyi a. Pwogram nan ede pwopriyetè kay ak lokatè ki elijib pou revni nan New York nan diminye depans chofaj ak refwadisman atravè mezi konsèvasyon enèji yo, pandan y ap adrese pwoblèm sante ak sekirite nan kay pa yo. Gen plis enfòmasyon ki disponib [isit la](#).

Anplis Gid pou Chofe Kay ak Petwòl ak Pwopàn lan, Divizyon Pwoteksyon Konsomatè Depatman Deta a ap ofri konsèy sa yo pou ede konsomatè yo diminye depans enèji ak bòdwo chofaj yo:

CHOFAJ/REFWADISMAN:

- **Verifye tèmosta ou** Chak degre ou bese tèmosta ou a ka diminye konsomasyon gaz ou a apeprè 3%. Enstale yon tèmostat ki kapab pwogramme ka otomatikman ajiste tanperati a selon orè lakay ou, travay ou ak lè ou dòmi epi bay yon ekonomi ki estime ant 10-20% sou bòdwo chofaj ak refwadisman ou chak mwa.
- **Meteworizasyon epi izole kay ou:** Ede kay ou rete cho pandan move tan frèt yo lè w izole grenye w ak mi deyò yo, sele ak izole kanal chofaj yo, retire

èkondisyone fenèt yo, vlope oswa koutri èkondisyone ki nan mi yo ak sele nenpòt ti fant ki alantou mi yo ak fenèt yo.

- **Fè teste ak regle sistèm chofaj ou a:** Fè regle li chak ane pou ede asire efikasite sistèm ou an. Ranplase filtè founou ou yo omwen chak twa mwa pou fè ekipman ou an kontinye fonksyone avèk efikasite epi konsidere ranplase filtè yo yon fwa pa mwa pandan mwa yo itilize anpil yo tankou sezon ete ivè. Yon filtè sal ralanti sikilasyon lè a epi fè sistèm ou an travay pi di pou kenbe ou konfòtab.
- **Sèvi ak vantilatè ki nan plafon oswa ki atè yo:** Evite chofe oswa refwadi yon kay antye lè w ap itilize youn oswa de chanm sèlman lè w koupe chofaj nan nenpòt zòn ki pa itilize yo epi fèmen vantilasyon nan chanm ki pa itilize yo. Sèvi ak vantilatè ki nan plafon oswa vantilatè pòtatif nan chanm w ap itilize yo pou ede ak chofaj ak refwadisman.
- **Sèvi ak radyatè yo avèk efikasite:** Deplase tapi ak mèb yo lwen vantilasyon chofaj yo ak radyatè yo. Vant ki bloke yo ka deranje sikilasyon lè a epi lakòz yon move balans nan sistèm chofaj yon kay. Mete pano reflektè ki reziste kont chalè ant radyatè ak mi yo ka ede chofe chanm nan olye pou yo chofe mi an.
- **Kontakte founisè chofaj ou a:** Mande founisè chofaj kay ou si yo genyen nenpòt pwogram asistans pou bòdwo, plan pri oswa lòt opòtinite pou jere bòdwo ou pi byen. Si w ap konsidere chanje yon plan tarif ki diferan, fè atansyon pou konsidere tout kondisyon yo, benefis ak risk nan chak plan tarif. Founisè chofaj ou a kapab tou bay enfòmasyon sou pwogram ak resous asistans bòdwo chofaj ekstèn yo.

FWAYE:

- **Amelyore efikasite aparèy chofaj dlo ou a:** Chofaj dlo a reprezante apeprè 14% nan bòdwo enèji konsomatè yo. Anvlope aparèy chofaj dlo ou a nan yon izolan, bese tanperati dlo a, izole tiyo dlo cho yo ak limite itilizasyon dlo cho ka diminye bòdwo enèji ou.
- **Achte aparèy ki efikas an enèji:** Aparèy ki gen etikèt ENERGY STAR® yo fèt pou itilize omwen 20% mwens enèji pase estanda parèy yo epi yo ka ekonomize lajan nan bòdwo enèji ou yo. Jwenn kèk opsyon nan www.energystar.gov/.
- **Sèvi ak aparèy yo avèk sajès:** Konsève enèji ak pi gwo aparèy yo lè w fikse frijidè ou a pa pi ba pase 38-40 degre. Chaje machin alave ou a nan tout kapasite li pou minimize itilizasyon enèji epi ekonomize dlo ak detèjan. Sèvi ak machin alave pi efikas an enèji pase lave asyèt ou alamen (menm si machin alave ou a pa byen plen) epi li ekonomize plis pase 8,000 galon dlo chak ane!
- **Seche rad yo yon fason ki efikas:** Evite depans pou seche rad ou a lè w seche rad ou sou yon liy lè tan pèmèt ou oswa lè w sèvi ak yon etajè pou seche rad anndan kay la. Si w ap itilize yon sechwa rad, evite twòp ranpli li ki ka lakòz sik sechaj la pi long. Netwaye tisi ki kole nan sechwa rad la anvan chak chaj - se youn nan bagay ki pi fasil ou ka fè pou asire bon sikilasyon lè a epi ogmante efikasite sechwa ou a.
- **Chanje anpoul pouache sa ki modèn yo:** Ranplase anpoul konvansyonèl yo (tankou enkandesan oswa alojèn) pa opsyon anpoul elektrik ki efikas an enèji (tankou anpoul ak aparèy LED ak anpoul entelijan yo). Ekleraj ki efikas an enèji itilize mwens enèji epi dire pi lontan.

ELEKTWONIK:

- **Fèmen òdinatè ou:** Lè ou fèmen òdinatè ou, pa blye fèmen monitè a-li ka itilize de fwa plis enèji pase òdinatè a. Sèvi ak yon miltipriz avanse pou plis komodite pou tout aparèy òdinatè yo ka etenn sou yon sèl entèriptè. Menm nan mòd dòmi, òdinatè w lan ka koute 105 dola pou yon ane!
- **Sèvi ak batri ki rechargeable ak inite rechaj:** Batri rechargeab yo plis rantab alontèm. Ploge sistèm rechaj batri w la oswa adaptè elektrik la nan yon miltipriz pou pèmèt ou koupe kouran ak yon senp presyon sou entèriptè a. Pou ekonomi plis, sèvi ak yon miltipriz ak yon minitri oswa yon miltipriz ki pwogramab.
- **Dekonekte lektè medya nimerik yo:** Etenn lektè DVD ak Blu-ray yo, lektè odyo ak konsòl jwèt videoyo yo lè yo pa itilize pou evite gaspiye enèji. Menm lè yo etenn, pifò aparèy elektwonik kontinye konsome kouran, souvan yo refere yo kòm elektrisite fantom, alimantasyon vanpi oswa alimantasyon fantom. Pou ekonomize enèji ak tan, ploge pwodwi amizman nan yon miltipriz avanse pou santralman fèmen tout konpozan yo ansanm.
- **Difize kontni ou avèk entelijans:** Difizyon atravè yon konsòl jwèt itilize jiska 10 fwa plis enèji pase difizyon sou yon laptop oswa yon tablèt. Konsidere sèvi ak yon lòt kalite aparèy pou difize—tankou yon lektè Blu-ray, yon dekodè oswa Smart TV ki te genyen yon etikèt ENERGY STAR®. Otorite Rechèch ak Developman Enèji Eta New York (New York State Energy Research and Development Authority, NYSERDA) ofri plis konsèy pou ekonomize enèji nan [key](#) oswa [apatman](#) ou.

Sekretè Deta Robert J. Rodriguez, ki sipèvize Divizyon Pwoteksyon Konsomatè a, te deklare, "Tanperati ki pi frèt souvan vle di pi gwo depans pou chofaj ak enèji, epi ogmantasyon depans sa yo ka prejidis pou Nouyòkè yo ki deja ap lite pou yo debwouye yo. Konsèy pratik sa yo, ansanm ak anpil resous ki disponib isit la nan New York, ka ede konsomatè yo ekonomize lajan pandan y ap chofe kay yo nan mwa ivè frèt yo epi redwi depans enèji pandan tout ane a."

Komisè Biwo Asistans Tanporè ak Andikap la, Daniel W. Tietz, te deklare, "Tanperati ki frèt ak gwo pri enèji yo te kombine pou fè sezon ivè sa a difisil pou kèk nan rezidan ki pi vilnerab nou yo pandan y ap lite ak depans pou chofaj kay yo. San asistans adisyonèl sa a, anpil Nouyòkè t ap twouve yo san pyès sipò nan yon sitiayson ijans."

Doreen M. Harris, Prezidan ak Direktè Egzekitif Jeneral, NYSERDA te deklare, "Pandan n ap antre nan pik sezon ivè a, mwen ankouraje tout Nouyòkè yo pou yo redwi depans yo gras ak kèk etap efikasite enèji ak meteworizasyon ki senp ki kreye kote ki pi an sante, ki pi konfòtab pou viv. Pwopriyetè kay yo nan Eta New York kalifye pou yon evalyasyon enèji gratis, pou detèmine etap akoutèm yo oswa solisyon alontèm, tout sa yo diminye emisyon gaz ki lakoz efè sè yo ak itilizasyon enèji."

Prezidan Komisyón Sèvis Biblik Eta a, Rory M. Christian, te deklare, "Kòm yon rezulta dirèk nouvo règleman ak politik ke yo te mete an plas, kliyan enèji yo gen gwo opòtinite pou pran kontwòl depans enèji jeneral yo, pou ankouraje inovasyon ak

envestisman nan enèji pwòp, amelyore chwa ak valè kliyantèl la, ak pwoteje anviwònman an. Kliyan ki enterese yo ka kontakte sèvis piblik lokal pa yo kòm premye etap pou wè sa ki disponib."

Komisè Biwo Renouvèlman Kay ak Kominote a, RuthAnne Visnauskas, te deklare, "Ak nou nan mitan mwa ki pi frèt ane a ak kèk pati nan Eta a ap afekte pa evènman metewo ivè yo, konsèy senp sa a sou fason pou diminye depans chofaj kay la pa ta ka vinl nan yon pi bon moman. Mwen ankouraje tout moun pou yo egzamine aplikasyon mezi efikasite enèji ak mezi meteworizasyon sa yo ki pral diminye konsomasyon enèji ak diminye pri nan pwòp kay pa yo."

Enfòmasyon sou Divizyon Pwoteksyon Konsomatè Eta New York la

Divizyon Pwoteksyon Konsomatè Eta New York la bay konsomatè yo resous ak materyèl edikasyon, ansam ak sèvis medyasyon volontè ant konsomatè yo ak biznis yo. Liy Èd Asistans Konsomatè a 1-800-697-1220 disponib soti lendi rive vandredi depi 8:30am rive 4:30pm, sa pa enkli peryòd Vakans Eta a yo, epi nou kapab depoze plent konsomatè yo nenpòt lè nan www.dos.ny.gov/consumer-protection.

Pou lòt konsèy sou pwoteksyon konsomatè yo ak alèt pou konsomatè yo, konsomatè yo ka vizite sit entènèt DCP a oswa swiv DCP sou rezo sosyal yo atravè Twitter nan @NYSCConsumer oswa Facebook nan www.facebook.com/nysconsumer. Enskri pou resevwa alèt konsomatè yo dirèkteman nan imèl ou oswa nan telefòn ou [isit la](#).

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)